

# 歌詞



一舖清唱  
YAT PO SINGERS

# 序

詩、書、執禮，皆雅言也。  
開口，恭敬，雅言者，雅正之言。

說話恭敬，禮多人不怪。  
待人接物，禮貌周到，恰如其分。  
幸會、請教、久仰大名！  
如雷貫耳，大駕光臨！  
蓬筮生輝，賞面光臨，  
敬請笑納，請坐，  
恭迎足下，請飲茶。  
各位來賓，多多指教！

## 香港有何手信

晚晚見住佢個樣，好親切形象  
晚晚見住佢背影，偉岸如高牆  
正氣嘅，守信樣  
代表香港人形象  
世界變亦有信心  
好多正面能量

跳法有陣似秘魯，東歐嘅文路  
去到尾像外國佬，吃力而虛無  
你叫我，點算好  
亦彷彿走投無路  
唱戲唱粵語只怕  
個個會悶到着草

香港有乜嘢，振奮像咖啡  
何手信魅力，係居過碌蔗  
可會係  
麻雀書劍茶記太極茅山中藥與劊蛇  
重有冇呢？

香港有乜嘢，夠啃像さけ  
何手信有咩充滿視野  
焉一種好嘢，重塑我身分  
完全冇扮嘢

兩膊見劫要放鬆，虎標冇難度  
再有送飯榨菜絲，美味如鮮蠔  
李眾勝，保濟丸  
附加京都枇杷露

# 香港有何手信

個個買手信也可，搵超市代勞

以往我地會當草  
點估到人地  
送兩個麵佢當寶  
搭豉油薑醋  
要呷醋，揀八珍  
落街口執齊全部  
靚嘢咁就腳搵到  
送到國外也讚好

香港有乜嘢，振奮像咖啡  
何手信魅力，係居過碌蔗  
假設係  
麻雀書劍茶記太極茅山中藥與劊蛇  
重有冇呢？

香港有乜嘢，夠啃像さけ  
何手信有咩充滿視野  
焉一種好嘢，重塑我身分  
完全冇扮嘢

香港有好嘢，振奮像咖啡  
何手信魅力，係居過碌蔗  
可以係  
麻雀書劍茶記太極茅山中藥與劊蛇  
問下阿姐

# 香港有何手信

香港有乜嘢，夠嘢像さけ  
何手信有咩開拓視野  
好多種好嘢  
承載我身分  
為何要扮嘢

## 關係計算機

Ba bap ba, ba bap ba, ba bap ba ba ba ba ba~~

首先係搶答題！

阿雲同阿英係兩姊妹，阿雲係家姐，阿英係細妹。

阿雲嫁俾畀阿強，

咁阿強即係阿雲個妹阿英嘅乜水呢？

Brother in law ！

請以中文回答。

姐夫囉！

錯！係姐夫，無「囉」！

咁阿強個阿爸應該係阿雲個妹阿英嘅乜位呢？

Uncle ！

請以中文回答！

姻世伯！

咁調返轉頭，阿雲個阿爸係阿強嘅貴親呢？

Father in law ！

Please answer the question in Cantonese ！

岳父囉！唔係！岳父，無「囉」！

Next ！阿雲個阿爸嘅阿哥係阿強嘅貴親呢？

呀……Uncle ！

正確答案——

伯岳父！（唱）Ba bap ba ba ba ba ba

# 嬭與茶

嬭與茶，嬭與茶，嬭與茶，唔茶就假

阿嬭請你飲茶  
有乜關照，問候大家  
佢話送你詩文字畫  
上款小雲侄女雅存  
題字可觀大雅

阿嬭佢叫我斧正  
我豈敢班門弄斧  
事關佢至係專家  
咁就講句  
多承阿嬭雅賞  
侄女愧不敢當呀

阿嬭一番濃情雅意  
侄女不才，焉能塗鴉  
阿嬭飲多啖茶  
應該雅興尚未淡化  
搭多句，阿嬭你嘅雅量一若汪涵  
對我雅愛亦是有加

難得送我一幅字畫  
俾我喺屋企掛一掛  
我定會盡快通曉  
亦必會及早弄明  
等我嘅造詣經你詩文點化  
阿嬭再呷多啖茶

# 嬸與茶

茶多兩茶

點心食漸嚟喇

終於埋單剛剛六百分毫不差

臨別之際，阿嬸話

有時間就飛過去探我啦

我搬徂去溫哥華



## 荷李活 • 大酒店

想到最初荷東歌舞昇平  
想到紅梨剩低的蝶影  
想到時日已經翻轉難重認  
舊時明星，今時，殞落也得承認

響過幾多名曲解放心靈  
得到淨化手心觸到共鳴  
若有過輝煌，映照繁華盛  
亦曾經，時候到風雲靜

荷李活尚有街燈照我路程  
誰的風光誰去細認  
已逝去的人命  
荷李活有幾多粒星肩負盛名  
人間一去如同舊佈景  
不知有誰認領

不會老的人間都有枯榮  
倘有奇緣亦應該夢醒  
一切離別結束身故塵緣盡  
若長明燈，不明  
告別也許沉靜

哀輓泰山沉星，感嘆凋零  
景仰目送返真，悲興莫名  
大雅說一場，宛似人尤在  
像途經，垂範百載詞令

## 荷李活 • 大酒店

荷李活尚有街燈照我路程  
誰的風光誰去細認  
已逝去的人命  
荷李活有幾多粒星肩負盛名  
人間一去如同舊佈景  
不知有誰認領

荷李活化解追憶冷卻熱情  
誰的居處，誰去掃淨，變賣價位誰定  
誰理活過幾多粒星閃耀地平  
百年歸壽，仙遊天界  
含笑九泉，魂歸天國  
蒙主寵召，息勞歸主  
尚有，遁化、解形、登仙  
坐化、圓寂、涅槃、寂滅  
光陰裏留影，誰生命

今世已經埋單，不見歸期  
假託移民或於天上飛  
婉語全為要找心裏迴旋地  
未明言的分離也為  
滿懷的念記

## 變賣後懷舊

上環下環，大頭綠衣，三教九流  
商旅水客，襄理買手，敵人及好友  
身處東亞，開放的缺口，福蔭誰領受

水漲水退，上流地痞，不歇是暗流  
足印所到，路長路短，孫中山似在門後

爐峰一角，時間庇佑，歷史的客愁  
風吹過立新破舊曾經擁有也失守  
變賣後收購，轉身懷舊

# 由錢入心

由錢入心，由錢入心  
一講到個錢字，就代表信心  
搵食呢兩個字，直情代表動感  
由錢入心（錢呀錢呀錢）

有錢，生活先均衡  
為錢，可以做足一百分  
講錢失感情，擺個折頭為貪心  
平啲些小都過癮  
豪畀你我又唔甘心  
錙銖必較好 Common  
好似蜘蛛女之吻  
吻完你就要犧牲  
犧牲畀啲個財神

求神，求神，誠心禮佛來求神  
求施捨我今舖轉運  
能搵得多過舊時  
毋求掘到金，只求安穩

做老闆都唔過癮  
搵埋搵埋都係用來交租  
生意少啲都唔夠做  
做伙記打工都係同一命運  
天下大同都係蟻民  
做徂咁耐人，學識錢最親  
帶住成個人，實現各種不可能的可能

# 由錢入心

因為冇錢搵  
大有大呃，小有小諺

由錢入心  
已經忘記，點樣做返個正常人

# 榮華立搶

榮華立搶！榮華立搶！

榮華立搶，搶奪個搶！

富貴榮華，點解唔伸手去搶

諾貝爾獎，諾生頒獎

邵逸夫獎，搜索夫腸

去搜邵逸夫嘅直腸、大腸、盲腸

盲搶唔理乜都搶

工展會攤位禮物免費，更要搶

十大金曲，叱咤樂壇，勁爆勁歌

幾多個獎，明派暗搶

萬千星輝，戰死沙場

怕蝕底，怕執輸，總會自強

怕執輸，怕蝕底

理得乜嘢以和為貴

就算唔搶，都要一窩蜂排一世

有麵舖開幕，幾貴都要排隊食

朱古力店有優惠，唔返工都要排一劑

任何人，要造勢，要聲威

只要暗暗喺枱底

出錢請人排隊

你一定出位

新聞總會提

人龍上漸社交媒體

其實你走去消費

你係畀錢人使

# 榮華立搶

做乜搞到自己好似地底泥  
排一輪重要又跪又諉，好似諉契弟

重要嘅嘢，又唔見大家個心咁齊  
投票站永遠有好多空位  
投注站就日日都好似擠提  
究竟係蠢鈍一時，還是聰明一世

## 隻聲情歌

曳搖共對，有幾多個話題是老調  
互傳誓約要等幾多秒？  
馭繁或化簡，寫不到是心跳，  
華廈的燈火繼續燒。

艷陽下與妹相親，有份持續信任。  
誰憑英文吻着緣份？  
用雅正之音，走千里互相拉近，  
美麗故事誰牽引？

心兩牽，  
直接講句一生愛莫變。  
離別與淒酸味出現。  
儘管可以痴纏，  
長情是我格言，  
熱愛永不中斷。  
回頭又再將你牽，  
像唱歌唱一生不變，  
情緣像無線，  
在熄機之後，  
在心裏面寄存，割不斷。  
為你不會跳船，全是愛念。

淚殘夢了，有燭影笑問誰在抱憾？  
月明獨照照不穿黑暗。  
落樓下暢飲，只找到鄧英敏。  
成件北菇雞笑着吞。  
若離別引起分心，  
要問誰負責任。



## 隻聲情歌

華強北消費像迷陣。  
就當好聲音，吹開了，內心苦困。  
繼續過活尋興奮。

將你牽，  
就算講到一生愛莫變。  
離別與悽酸也出現。  
儘管此際痴纏，  
長情或似格言，  
亦會瞬間中斷。  
如何學似張敬軒！  
酷愛溺愛春秋不變，  
情緣像無線，  
直至新鮮的出現，  
下一秒是跳船，誰可改變！  
最後有那些年，逆向發展。

曳搖共對這刻不再是同樣格調，  
互傳誓約要幾多鈔票，  
馭繁或化簡，都不過是淺笑。  
夠食夠住夠逍遙，夠了。

## 捐獻袋住先

捐獻助人，捐獻助人，  
只要問何家災荒需要賑  
有你傳愛心  
關照別人，關照別人，  
不要問回報付出搏加分  
要奉獻獻出真關心，心中有妙韻  
能扶助老弱與長幼，在世上愛心相扣  
西裝骨骨都摺袖，手挽手  
在這天地裏響應大愛仿如人間合奏

非爾役人，只要助人，  
心向善良心不必打倒褪  
快快來獻金  
山秣陸沉，海嘯斷層，  
不要問誰最值得你關心  
有熱暖暖到多窩心  
春風過樹蔭  
人行善哪用去深究，就算係救狗都夠  
做善事會自然看得通透  
善良就夠，眼淚會自然有  
世界像你先有救

有了你熱心捐獻令異國變得齊全  
也靠你每一分捐獻去拓展大宏願  
是每分或每點，是你捐輸在這天  
細路哥先可過年  
其實金額不要說穿，說穿，說穿，說穿  
只須有旗讓你睇見

## 捐獻袋住先

好戲做完好戲做完，先發現藏身公司施暗箭  
鬥智還鬥險  
巴結上層，欺壓下層，  
心裏面盤算甚麼要遮掩  
算盡個價位跟風險  
低端要下線  
然而戴着那冠冕  
但你亦有些憎厭  
為贖罪你自然再三捐獻  
贖完又再繼續每日盤算  
世界問你有否蛻變

有了你熱心捐獻令異國變得齊全  
也靠你每一分捐獻去拓展大宏願  
是每分或每點，是你捐輸在這天  
細路哥先可過年  
其實金額不要說穿，說穿，說穿，說穿  
只須有旗讓個個睇見

有了你熱心捐獻令路線有得發展  
也靠你每一分捐獻再有苦難浮現  
是每分或每點，是你捐輸在每天  
你內心先可回暖  
其實真話不要說穿，說穿，說穿，再三說穿，說  
穿，說穿

We are the world，我信明天會更好  
萬眾歌聲，齊捐獻  
捐 😊 完，究竟啲錢去徂焉

# 捐獻袋住先

放心，我會幫你袋住先

We are the world，我信明天會更好

萬眾歌聲，齊捐獻

捐完，捐完，捐完，究竟啲錢去徂焉

Jesus Christ，Jesus Christ

全賴各位捐獻，袋住先

## 獅子山下留

人生，總有歡喜總有樂趣有繽紛點綴  
難免，都有淚印都有驟去驟來的苦水  
同舟，跟你幸運遇上共處起居，獅山相對  
落絮飛花，仍然共聚笑面相隨  
誰又要唏噓

攜手，經過崎嶇曲折直至有一天安居  
何以，當有旁人比較就會換來諸多憂慮  
如果，想到舊日共你合唱過的獅山金句  
可有道行，尋回舊日百煉千錘  
來望透失敗錯對

最怕活到眼光低垂  
不認老亦會心虛  
或者你在此刻牽掛時光怎去追  
望獅山掛着淚  
回頭就快幾多歲  
想留低盼望風光不會衰

年紀，好似一種魔咒令你變得好唏噓  
時間，怎會沒有憶記沒有舊時的積累  
人生，竟會逐步後退就似見到獅山粉碎  
無權落淚，原來現實似定音錘  
時代轉完就老去

最怕活到眼光低垂  
不認老亦會心虛  
或者你在此刻牽掛時光怎去追  
望獅山掛着淚

# 獅子山下留

回頭就快幾多歲  
想留低盼望風光不會衰

評級，可有拉出心裏未有過的新恐懼  
評價，輕重又會使你沒法自強當先驅  
如果，一切實務實幹實際已經消失風裏  
剩個獅山，含情默默對着溝渠  
前路你想在哪裏  
香港人，千秋，何去

## 你話何家勁

當初你心裏，記掛着哪些  
何手信魅力，係居過碌蔗  
可會係哥哥張徹，姚煒韋烈，  
洪金寶利智星爺，重有冇呢？  
應該有啲嘢，正過越野車  
爬山再遠征，充滿視野  
獅子山講嘢，時間裏牽扯  
情懷要共治

哪個會令你感傷，幾多個圖象  
哪個再沒法記得，跌入伶仃洋  
染過了，風與霜，用一枝火柴燃亮  
照遍角落有扇窗，春風吻在眉上  
細個見住蓋世寶，溝杯馬蹄露  
馬賽對住馬笑英，李浩林姜濤  
戴志偉、蘇志威，萬千星輝如迷路  
洩氣要學薛家燕，有志氣未怕跌倒

香港再出發，帶上越野車  
何家勁步伐，係居過碌蔗  
可會是紅A膠凳，藤器鋼具  
甜品抑或浸三蛇，重有冇呢？  
香港有乜嘢，夠啃像さけ  
何家勁創出新意視野  
焉一種好嘢，重塑我身分  
完全冇扮嘢

應該有啲嘢，似架越野車  
何家勁步伐，係居過碌蔗

# 你話何家勁

可會是紅 A 膠凳，藤器鋼具  
甜品抑或浸三蛇，重有冇呢？  
應該有啲嘢，夠啃像さけ  
何家勁創出新意視野  
焉一種好嘢  
容我再書寫，情懷冇扮嘢



## 終章

詩、書、執禮，皆雅言也。  
開口，恭敬，雅言者，雅正之言。

心存正氣，以禮相待，可以溝通  
話語優雅，寒暄初遇，過客同船共  
溫文爾雅，相敬相逢，而不失驕縱  
人間笑晏，來來往往，頌雅風  
意態從容